

# P. M. S. HENEAGII, Nottinghamiæ Comitiss,

Baronis Daventriæ, Dom. FINCH, &c. Summi Angliæ Cancellarii,

*Qui 18 Decemb. Obiit 1682.*

**O**RTVS erat Illis Parentibus,  
Quos vel sequi Nobile est;  
Antecellere, Heroicum.  
    Illustravit  
    Tam clara Nomina;  
    Imò Obscuravit:  
Quis enim *Stellis* locus  
Tanto affulgente *Sole*?  
    Decurrit  
Sexaginta Stadia, & amplius,  
Nullum passus deliquium,  
Splendidior cùm *Occideret*;  
Menti, in dies, Viribus additis,  
Quæ detrahebantur Corpori:  
    Auctâ,  
Supra Honores ac Titulos,  
Innatæ Probitatis Gloriâ;  
Melior semper quo Major;  
Non Minus Victor *Sui*, quàm Aliorum,  
Incremento Pietatis perpetuo;  
Hoc tantùm à se diversus,  
Quod in Sanctiorem Mutaretur.  
    Ausus etiam,  
Perversissimis Temporibus,  
    *Bonus* esse;  
    Imò & videri.  
    Haud veritus,  
    Ante ipsa Tribunalia,  
    *Regium* celebrare *Nomen*,  
Cùm vix impune proferretur;  
Eamque palàm vindicare *Ecclesiam*,  
Quam nec tutò licebat Clanculùm confiteri.  
Adeò Inclytus rebus gestis & dictis,  
Ut vix alia aliam superet,  
Qualibet perfectâ:  
Etiam in minimis Magnus.  
Nullus Impatiens laboris,  
Qui *Patriæ* quietem afferret;  
*Sibi*, quàm cæteris, minus Consulens.  
    Benignus in Omnes,  
    Præter semet-ipsū.  
    In Egenos  
    Profusus magis quàm Liberalis.  
Æquiores *Judicem* Anglia non habuit;  
    Disertiores *Oratorem*,  
    Nec Græcia, nec Italia.  
Opere tamen potentior fuit quàm Sermone,  
    Viti Clarior quam *Lingua*.  
Inter Omnes *Togæ* Heroas  
    Facile Princeps,  
    Omni dignitatis Nomine.

Qui vel ipsam Fortunam docuit  
In lubrico Stare  
Majestate virtutis,  
Immotus tot Cadentibus.  
Sigillorum Custodem, aut Cancellarium  
Vixisse,  
Multis Obligit;  
Obiisse,  
Paucis;  
Ita Vixisse, & Obiisse,  
Nemini,  
Integrâ ubique Famâ;  
Ni forte apud Eos,  
A quibus non laudari, laus est Maxima.  
    Vivum  
Laudavere Boni omnes, *Acclamando*;  
    *Mortuum*,  
    Deflendo, adhuc laudant.  
    *Eheu!*  
Non tam suo, quàm publico, *Deflendum* Malo!  
Ad Invidiam, non ad Lacrymas, Moritur  
    Quisquis ita Vixit.  
Si qua Salus in incerto, *Patriæ* est;  
Ipse in Portu Navigat,  
De sua securus.  
Avertat *Deus* mala Omina,  
Contentus hac *Clade*.  
Satis perdiderunt, quibus *Vir* tantus periit,  
Regni & Ecclesiæ  
Non modo Decus, sed & Fulcrum & Column.  
Nobis periit, non *Sibi*.  
Nec totus etiam periit Nobis,  
Qui se reliquit  
Virtutum Exemplar Omnium  
Tam *Privata* quàm *Publica* Administrantibus.  
    *Vixit, Vixit,*  
Superstite in omne ævum pretiosissimâ *Memoriâ*.  
    Vivit  
In Optimis Numerosisque *Filiis*,  
Sui, non minus quàm rerum suarum, Hæredibus  
    Dignisque Hoc *Patre*.  
    Vivit,  
Cujus vel *Nomen* apud Posteris Vitia suffundet.  
    Vivit Mortuus,  
Qui nisi Moreretur, fere non Viveret;  
Vixerat enim totus aliis;  
Jam totus & *Sibi*, & *Deo*,  
    Æternùm Victurus.  
Vale *Lector*, & sic quoque *Vive*;  
    Imò ita *Morere*,  
    Ut sic *Vivas*.